

御定全唐詩錄

土岐文庫
文庫17
W65
22



全唐詩集卷第二十四
白居易

上海圖書館藏
民國二十四年四月

010185189380

文庫 17
W 65
22



御定全唐詩錄卷第六十四

禮部侍郎臣徐倬翰林院侍讀學士臣徐元正奉

旨校刊

白居易七

近體詩二

送王十八歸山寄題仙遊寺

會於太白峰前住數到仙遊寺裏來黑水澄時潭底出
白雲破處洞門開林間暖酒燒紅葉石上題詩掃綠苔
惆悵舊遊無復到菊花時節羨君迴

八月十五日夜禁中獨直對月憶元九

銀臺金闕夕沉沉獨宿相思在翰林三五夜中新月色

全唐詩錄卷第六十四

白居易

昭和六十年二月一日贈
土岐善吉唐氏寄

二千里外故人心渚宮東面煙波冷浴殿西頭鐘漏深
猶恐清光不同見江陵卑溼足秋陰

八月十五日夜聞崔大員外翰林獨直對酒翫月
因懷禁中清景偶題是詩

秋月空懸高碧外仙郎靜翫禁闈間歲中惟有今宵好
海內無如此地閒皓色分明雙闕牐清光深到九門關
遙聞獨醉還惆悵不見金波照玉山

白和元微之南秦雪

往歲曾為西邑吏慣從駱口到南秦三時雲冷多飛雪
二月山寒少有春我思舊事猶惆悵君作初行定苦辛
仍賴愁猿寒不叫若聞猿叫更愁人

和元九與呂二同宿話舊感贈

見君新贈呂君詩憶得同年行樂時爭入杏園齊馬首
潛過柳曲鬪蛾眉八人雲散俱遊宦七度花開盡別離
聞道秋娘猶且在至今時復問微之

欲與元八卜隣先有是贈

平生心迹最相親欲隱墻東不為身明月好同三徑夜
綠楊宜作兩家春每因暫出猶思伴豈得安居不擇隣
何獨終身數相見子孫長作隔墻人

廣宣上人以應制詩見示因以贈之詔許上人居
安國寺紅樓院以詩供奉

道林談論惠休詩一到人天便作師香積筵承紫泥詔

昭陽歌唱碧雲詞紅樓許住請銀鑰翠輦陪行蹋玉墀
惆悵甘泉曾侍從與君前後不同時

重傷小女子

學人言語凭牀行嫩似花房脆似瓊纔知恩愛迎三歲
未辯東西過一生汝異下殤應殺禮吾非上聖詎忘情
傷心自歎鳩巢拙長隨春雛養不成

過顏處士墓

向墳通徑沒荒榛滿室詩書積闇塵長夜肯教黃壤曉
悲風不許白楊春簞瓢顏子生仍促布被黔婁死更貧
未會悠悠上天意惜將富壽與何人

贈楊秘書巨源

楊嘗有贈洛州詩曰三刀夢
益州一箭取遼城由是得名

早聞一箭取遼城相識雖新有故情清句三朝誰是敵
白鬚四海半爲兄貧家薙草時時入瘦馬尋花處處行
不用更教詩過好折君官職是聲名

微之到通州日授館未安見塵壁間有數行字讀
之即僕舊詩其落句云綠水紅蓮一朵開千花
百草無顏色然不知題者何人也微之吟歎不
足因綴一章兼錄僕詩本同寄省其詩乃是十
五年前初及第時贈長安妓人阿軟絕句緬思
往事杳若夢中懷舊感今因酬長句

十五年前似夢遊曾將詩句結風流偶助笑歌嘲阿軟
可知傳誦到通州昔教紅袖佳人唱今遣青衫司馬愁

惆悵又聞題處所雨淋江館破墻頭

得微之到官後書備知通州之事悵然有感因成

四章選二

來書仔細說通州州在山根峽岨頭四面千重火雲合
中心一道瘴江流蟲蛇白晝攔官道蚊蚋黃昏撲郡樓
何罪遣君居此地天高無處問來由

匝匝巔山萬仞餘人家應似甌中居寅年籬下多逢虎
亥日沙頭始賣魚衣斑梅雨長須熨米澀畚田不解鉏
努力安心過三考已曾愁殺李尚書

李實尚書先貶此州身歿于彼處

白口阻風十日

洪濤白浪塞江津處處遭迴事事述世上方為失途客

江頭又作阻風人魚鰕遇雨腥盈鼻蚊蚋和煙癢滿身
老大光陰能幾日等閒白口坐經旬

盧侍御與崔評事為予於黃鶴樓置宴宴罷同望
江邊黃鶴古寺樓勞置華筵待我遊楚思森茫雲水冷
商聲清脆管絃秋白花浪濺頭陀寺紅葉林籠鸚鵡洲
總是平生未行處醉來堪賞醒堪愁

舟行阻風寄李十一舍人

扁舟厭泊煙波上輕策閒尋浦嶼間虎踞青泥稠似印
風吹白浪大於山且愁江郡何時到敢望京都幾歲還
今日料君朝退後迎寒新耐煖開顏

李好小耐酒故云

題王處士郊居

半依雲渚半依山愛此令人不欲還負郭田園八九頃
向陽茅屋兩三間寒松縱老風標在野鶴雖饑飲啄閒
一卧江邨來早晚著書盈帙髣毛斑

放言五首 并序

元九在江陵時有放言詩五首韻高而體律意
古而詞新予每詠之甚覺有味雖前輩深於詩
者未有此作唯李頎有云濟水至清河自濁周
公大聖接輿狂斯句近之矣予出佐潯陽未屆
所任舟中多暇又江上獨吟因綴五篇以續其
意耳

朝真暮偽何人辨古往今來底事無但愛莊生能詐聖

可知甯子解佯愚草螢有耀終非火荷露雖團豈是珠
不取燔柴兼照乘可憐光彩亦何殊

世途倚伏都無定塵網牽纏卒未休禍福迴還車轉轂
榮枯反覆手藏鈎龜靈未免剗腸患馬失應無折足憂
不信君看奕棋者輸贏須待局終頭

贈君一法決狐疑不用鑽龜與祝著試玉要燒三日滿

真玉燒三日不熱辨材須待七年期 豫章木生七年而後知周公恐懼流言日

王莽謙恭未篡時向使當時身便死一生真偽復誰知
誰家第宅成還破何處親賓哭復歌昨日屋頭堪炙手
今朝門外好張羅北邙未省留閒地東海何曾有定波
莫笑賤貧誇富貴共成枯骨兩如何

泰山不要欺毫末顏子無心羨老彭松樹千年終是朽
槿花一日自為榮何須戀世常憂死亦莫嫌身漫厭生
生去死來都是幻幻人哀樂繫何情

獨樹浦雨夜寄李六郎中

忽憶兩家同里巷何曾一處不追隨閒遊預算分朝日
靜語多同待漏時花下放狂衝黑飲燈前起坐徹明棋
可知風雨孤舟夜蘆葦叢中作此詩

初到江州

潯陽欲到思無窮庾亮樓南湓口東樹木凋疎山雨後
人家低濕水煙中菰蔣餒馬行無力蘆荻編房卧有風
遙見朱輪來郭外相迎勞動使君公

庾樓曉望

獨憑朱檻立凌晨山色初明水色新竹霧曉籠銜嶺月
蘋風送暖過江春子城陰處猶殘雪衙鼓聲前未有塵
三百年來庾樓上曾經多少望鄉人

北亭招客

疎散郡丞同野客幽閒官舍抵山家春風北戶千莖竹
晚日東園一樹花小盞吹醅嘗冷酒深爐敲火炙新茶
能來盡日觀碁否太守知慵放晚衙

送客之湖南

年年漸見南方物事事堪傷北客情山鬼丘妖切跳惟一
足峽猿哀怨過三聲帆開青草湖中去衣溼黃梅雨裏

行別後雙魚難定寄近來潮不到湓城

香爐峰下新卜山居草堂初成偶題東壁

五架三間新草堂石階桂柱竹編墻南簷納日冬天暖
北戶迎風夏月涼灑砌飛泉纔有點拂窓斜竹不成行
來春更葺東廂屋紙閣蘆簾著孟光

長松樹下小溪頭斑鹿胎巾白布裘藥圃茶園為產業
野麋林鶴是交遊雲生澗戶衣裳潤嵐隱山厨火燭幽
最愛一泉新引得清泠屈曲遶階流

日高睡足猶慵起小閣重裘不怕寒遺愛寺泉欹枕聽
香爐峰雪撥簾看匡廬便是逃名地司馬仍為送老官
心泰身寧是歸處故鄉何獨在長安

編集拙詩成一十五卷因題卷末戲贈元九李二

十

一篇長恨有風情十首秦吟近正聲每被老元偷格律

元九向江陵日常以拙詩一軸贈行自後格變苦教短李伏歌行李二十常自負歌行近見子樂府五十首默然心伏世

間富貴應無分身後文章合有名莫怪氣粗言語大新
排十五卷詩成

尋郭道士不遇

郡中乞假來相訪洞裏朝元去不逢看院祇留雙白鶴
入門惟見一青松藥爐有火丹應伏雲確無人水自春

廬山中雲母多故以水確擣鍊俗呼為雲確欲問參同契中事更期何日得從容

潯陽春元和十二年作

春來

春來觸動故鄉情
忽見風光憶兩京
金谷蹋花香騎入
曲江碾草鈿車行
誰家綠酒歡連夜
何處紅樓睡失明
獨有不眠不醉客
經春冷坐古湓城

春去

一從澤畔為遷客
兩度江頭送暮春
白髮更添今日髻
青衫不改去年身
百川未有回流水
一老終無却少人
四十六時三月盡
送春爭得不殷勤

聞楊十二新拜省郎遙以詩賀

文昌新入有光輝
紫界宮墻白粉闈
曉日雞人傳漏箭
春風侍女護朝衣
雪飄歌曲高難和
鶴拂煙霄老慣飛

官職聲名俱入手
近來詩客似君稀

頃曾有贈楊詩落句云不用更教詩過好折君官職

是聲名故云俱入手

題岳陽樓

岳陽城下水漫漫
獨上危樓凭曲欄
春岼綠時連夢澤
夕波紅處近長安
猿攀樹立啼何苦
雁點湖飛渡亦難
此地惟堪圖畫障
華堂張與貴人看

入峽次巴東

不知遠郡何時到
猶喜全家此去同
萬里王程三峽外
百年生計一舟中
巫山暮足霑花雨
隴水春多逆浪風
兩片紅旌數聲鼓
使君艤牒上巴東

初到忠州贈李六

全唐詩集卷第六十四

白居易

好在天涯李使君江頭相見日黃昏
吏人生硬都如鹿
市井蕭疎只抵邨
一隻蘭船當驛路
百層石磴上州門
更無平地堪行處
虛受朱輪五馬恩

重寄荔枝與楊使君時聞楊使君欲種植故有落

句戲之

摘來正帶凌晨露寄去須憑下水船
映我緋衫渾不見
對公銀印最相鮮
香連翠葉真堪画
紅透青籠實可憐
聞道萬州方欲種
愁君得喫是何年

送蕭處士遊黔南

能文好飲老蕭郎
身似浮雲髻似霜
生計拋來詩是業
家園忘却酒爲鄉
江從巴峽初成字
猿過巫陽始斷腸

不醉黔中爭去得磨圍山月正蒼蒼

冬至夜

老去襟懷常濩落
病來鬚髻轉蒼浪
心灰不及爐中火
鬢雪多於砌下霜
三峽南賓城最遠
一年冬至夜偏長
今宵始覺房櫳冷
坐索寒衣託孟光

春至

若爲南國春還至
爭向東樓日又長
白片落梅浮澗水
黃梢新柳出城牆
閒拈蕉葉題詩詠
悶取藤枝引酒嘗
樂事漸無身漸老
從今始擬負風光

房家夜宴喜雪戲贈主人

風頭向夜利如刀
賴此溫爐軟錦袍
桑落氣熏珠翠暖

柘枝聲引管絃高酒鉤送盞推蓮子燭淚粘盤壘蒲萄
不醉遣儂爭散得門前雪片似鵝毛

舟中晚起

日高猶掩水窓眠枕簟清涼八月天泊處或依沽酒店
宿時多伴釣魚船退身江海應無用憂國朝廷自有賢
且向錢塘湖上去冷吟閒醉二三年

東院

松下軒廊竹下房暖簷晴日滿繩床淨名居士經三卷
榮啟先生琴一張老去齒衰嫌橘醋病來肺渴覺茶香
有時閒酌無人伴獨自騰騰入醉鄉

臘後歲前遇景詠意

海梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女墻
公事漸閒身且健使君殊未厭餘杭

餘杭形勝

餘杭形勝四方無州傍青山縣枕湖遶郭荷花三十里
拂城松樹一千株夢兒亭古傳名謝教伎樓新道姓蘇
州西靈隱山上有夢謝亭即杜明甫夢謝靈
運之所因名客兒亭蘇小小本錢塘人也獨有使君年太老風光
不稱白髭鬚

江樓夕望招客

海天東望夕茫茫山勢川形濶復長燈火萬家城四畔
星河一道水中央風吹古木晴天雨月照平沙夏夜霜

能就江頭銷暑否比君茅舍校清涼

江樓晚眺景物鮮奇吟玩成篇寄水部張負外

澹煙疎雨間斜陽江色澄鮮海氣涼蜃散雲收破樓閣
虹殘水照斷橋梁風翻白浪花千片雁點青天字一行
好著丹青圖寫取題詩寄與水曹郎

得湖州崔十八使君喜與杭越隣郡因成長句代

賀兼寄微之

三郡何因結此緣貞元科第忝同年故情歡喜開書後
舊事思量在眼前越國封疆吞碧海杭城樓閣入青煙
吳興卑小君應屈為是蓬萊最後仙

夜歸

半醉閒行湖岬東馬鞭敲鐙轡瓏璵萬株松樹青山上
十里沙堤明月中樓角漸移當路影潮頭欲過滿江風
歸來未放笙歌散畫戟門開蠟燭紅

和薛秀才尋梅花同飲見贈

忽驚林下發寒梅便試花前飲冷杯白馬走迎詩客去
紅筵鋪待舞人來歌聲怨處微微落酒氣醺時旋旋開
若到歲寒無雨雪猶應醉得兩三迴

錢塘湖春行

孤山寺北賈亭西水面初平雲脚低幾處早鶯爭暖樹
誰家新燕啄春泥亂花漸欲迷人眼淺草纔能沒馬蹄
最愛湖東行不足綠楊陰裏白沙堤

西湖晚歸回望孤山寺贈諸客

柳湖松島蓮花寺晚動歸橈出道場盧橘子低山雨重
棕櫚葉戰水風涼煙波澹蕩搖空碧樓殿參差倚夕陽
到岍請君回首望蓬萊宮在水中央

杭州春望

望海樓明照曙霞城東樓名望海樓護江堤白蹋晴沙濤聲夜入

伍負廟柳色春藏蘇小家紅袖織綾誇柿蒂杭州出柿蒂花者尤佳也

青旗沽酒趁梨花其俗釀酒趁梨花時熟號為梨花春誰開湖寺西南路草綠

裙腰一道斜孤山寺路在湖之中草綠時望如裙帶

湖上醉中代諸妓寄嚴郎中

笙歌杯酒正歡娛忽憶仙郎望帝都借問連宵直南省

何如盡日醉西湖蛾眉別久心知否雞舌含多口厭無
還有些些惆悵事春來山路見薜蘿

湖上招客送春汎舟

欲送殘春招酒伴客中誰最有風情兩瓶箬下新開得

一曲霓裳初教成時崔湖州寄新箬下酒來樂妓按霓裳羽衣曲初畢排比管絃行翠袖

指麾船舫點紅旌慢牽好向湖心去恰是菱花鏡上行

答微之誇越州州宅

賀上人回得報書大誇州宅似仙居厭看馮翊風沙久
喜見蘭亭煙景初日出旌旗生氣色月明樓閣在空虛
知君閤數江南郡除却餘杭盡不如

微之重誇州居其落句有西州羅刹之謔因嘲茲

石聊以寄懷

君問西州城下事醉中疊紙為君書嵌空石面標羅刹
壓捺潮頭敵子胥神鬼曾鞭猶不動波濤雖打欲何如
誰知太守心相似抵滯堅頑兩有餘

張十八貧外以新詩二十五首見寄郡樓月下吟

翫通夕因題卷後封寄微之

秦城南省清秋夜江郡東樓明月時去我三千六百里
得君二十五篇詩陽春曲調高難和淡水交情老始知
坐到天明吟未足重封轉寄與微之

酬微之

微之題云郡務稍簡因得整集舊詩并連綴削封
章諫草繁委籍笥僅踰百軸偶成自嘆兼寄樂天

滿篋填箱唱和詩少年為戲老成悲聲聲麗曲敲寒玉

句句妍辭綴色絲吟玩獨當明月夜傷嗟同是白頭時
由來才命相磨折天遣無兒欲怨誰微之句云天遣兩家無嗣
子欲將文字付誰人故以
此答之

春題湖上

湖上春來似畫圖亂峰圍繞水平鋪松排山面千重翠
月點波心一顆珠碧毯線頭抽早稻青羅裙帶展新蒲
未能拋得杭州去一半勾留是此湖

早春憶微之

昏昏老與病相和感物思君歎復歌聲早雞先知夜短
色濃柳最占春多沙頭雨染斑斑草水面風驅瑟瑟波
可道眼前光景惡其如難見故人何

西湖留別
征途行色慘風煙祖帳離聲咽管絃翠黛不須留五馬
皇恩只許住三年綠藤陰下鋪歌席紅藕花中泊妓船
處處回頭盡堪戀就中難別是湖邊

答客問杭州

為我踟躕停酒盞與君約略說杭州山名天竺堆青黛
湖號錢塘瀉綠油大屋簷多裝鴈齒小航船亦畫龍頭
所嗟水路無三百官繫何因得再遊

歲日家宴戲示弟姪等兼呈張侍御二十八丈殷

判官二十三兄

弟妹妻孥小姪甥嬌癡弄我助歡情歲盞後推藍尾酒

春盤先勸膠牙錫形骸潦倒雖堪歎骨肉團圓亦可榮
猶有誇張少年處笑呼張丈喚殷兄

正月三日閒行

黃鸝巷口鶯初語烏鵲河頭冰欲銷黃鸝坊名 烏鵲河名綠浪東西

南北水紅欄三百九十橋蘇之官橋之數鴛鴦蕩漾雙翅楊柳

交加萬萬條借問春風來早晚只從前日到今朝

夜聞賈常州崔湖州茶山境會想羨歡宴因寄此

詩

遙聞境會茶山夜珠翠歌鐘俱遶身盤下中分兩州界
燈前合作一家春青娥遞舞應爭妙紫笋齊嘗各鬪新
自歎花時北窓下蒲黃酒對病眠人時馬陸損腰 正勸蒲黃酒

全唐詩集卷之六十四 白居易 五卷

病中多雨逢寒食

水國多陰常懶出老夫饒病愛閒眠三旬卧度鶯花月
一半春銷風雨天薄暮何人吹鳳策新晴幾處縛鞦韆
綵繩芳樹長如舊惟是年年換少年

重答劉和州

來篇云蘇州刺史例能詩西掖吟來替左司
又云若共吳王鬪百草不如惟是欠西施

分無佳麗敵西施敢有文章替左司隨分笙歌聊自樂
等閒篇詠被人知花邊妓引尋香徑月下僧留宿劍池
可惜當時好風景吳王應不解吟詩採香徑在
館娃宮

城上夜宴

留春不住登城望惜夜將來秉燭遊風月萬家河兩岬
笙歌一曲郡西樓詩聽越客吟何苦酒被吳娃勸不休

從道人生都是夢夢中歡笑亦勝愁

詠懷

蘇杭自昔稱名郡牧守當今當好官兩地江山蹋得遍
五年風月詠將殘幾時酒盞曾拋却何處花枝不把看
白髮滿頭歸得也詩情酒興漸闌珊

宿靈巖寺上院

高高白月上青林客去僧歸獨夜深葷血屏除惟對酒
歌鐘放散只留琴更無俗物當人眼但有泉聲洗我心
最愛曉亭東望好太湖煙水綠沉沉

自喜

自喜天教我少緣家徒行計兩翩翩身兼妻子都三口

鶴與琴書共一船
僮僕減來無冗食
資糧算外有餘錢
攜將貯作丘中費
猶免饑寒得數年

武丘寺路宴留別諸妓

一作張籍詩

銀泥裙映錦障泥
畫舸停橈馬簇蹄
清管曲終鸚鵡語
紅旗影動駮蒲撥切鞦河干切嘶
漸消醉色朱顏淺
欲語離情翠黛低
莫忘使君吟咏處
女墳湖北武丘西

和楊郎中賀楊僕射致仕後楊侍郎門生合宴席

上作

業重關西繼大名
恩深闕下遂高情
祥鱣降伴趨庭鯉
賀燕飛和出谷鶯
范蠡舟中無子弟
疏家席上欠門生
可憐玉樹連桃李
從古無如此會榮

寄殷協律

多敘江南舊遊

五歲優游同過日
一朝消散似浮雲
琴詩酒伴皆拋我
雪月花時最憶君
幾度聽雞歌白日
亦曾騎馬詠紅裙

予在杭州日有歌云聽唱黃雞與白日又有詩云著紅騎馬是何人

吳姬暮雨蕭蕭曲自別江南更不聞

江南吳二娘曲詞云暮雨蕭蕭郎不歸

送鶴與裴相臨別贈詩

司空愛爾爾須知
不信聽吟送鶴詩
羽翮勢高寧惜別
稻梁恩厚莫愁饑
夜棲少共雞爭樹
曉浴先饒鳳占池
穩上青雲勿回顧
的應勝在白家時

病假中龐少尹攜魚相過

宦情牢落年將暮
病假聯縣日漸深
被老相催雖白首

與春無分未甘心閒停茶碗從容語醉把花枝取次吟
勞動故人龐閣老提魚攜酒遠相尋

自題新昌居止因招楊郎中小飲

地偏坊遠巷仍斜最近東頭是白家宿雨長齊隣舍柳
晴光照出夾城花春風小榼三升酒寒食深爐一碗茶
能到南園同醉否笙歌隨分有些些

戊申歲暮詠懷

窮冬月末兩三日半百年過六七時龍尾趁朝無氣力
牛頭參道有心期榮華外物終須悟老病傍人豈得知
猶被妻兒教漸退莫求致仕且分司
惟生一女才十二祇欠三年未六旬婚嫁累輕何怕老

饑寒心慣不憂貧紫泥丹筆皆經手赤紱金章盡到身
更擬踟躕覓何事不歸嵩洛作閒人

問江南物

歸來未及問生涯先問江南物在耶引手摩挲青石笋
迴頭點檢白蓮花蘇州舫故龍頭闌王尹橋傾雁齒斜
別有夜深惆悵事月明雙鶴在裴家

過元家履信宅

雞犬喪家分散後林園失主寂寥時落花不語空辭樹
流水無情自入池風蕩醺船初破漏雨淋歌閣欲傾欹
前庭後院傷心事惟是春風秋月知

池上小宴問程秀才

洛下林園好自知江南景物闡相隨淨淘紅粒烏感切香
飯薄切紫鱗烹水葵雨滴蓬聲青雀舫浪搖花影白蓮
池停杯一問蘇州客何似吳松江上時

橋亭卯飲

卯時偶飲齋時卧林下高橋橋上亭松影過窓眠始覺
竹風吹面醉初醒就荷葉上包魚鮓當石渠中浸酒瓶
生計悠悠身兀兀甘從妻喚作劉伶

履道池上作

家池動作經旬別松竹琴魚好在無樹暗小巢藏巧婦
渠荒新葉長慈姑不因車馬時時到豈覺林園日日蕪
猶喜春深公事少每來花下得踟躕

池上閒詠

青莎臺上起書樓綠藻潭中繫釣舟日晚愛行淡竹裏
月明多上小橋頭甞新酒還成醉亦出中門便當遊
一部清商聊送老白鬚蕭颯管絃秋

早春憶蘇州寄夢得

吳苑四時風景好就中偏好是春天霞光曙後殷於火
水色晴來嫩似煙士女笙歌宜月下使君金紫稱花前
誠知歡樂堪留戀其奈離鄉已四年

送姚杭州赴任因思舊游

與君細話杭州事爲我留心莫等閒閭里固宜勤撫恤
樓臺亦要數躋攀笙歌縹緲虛空裏風月依稀夢想間

且喜詩人重管領遙飛一盞賀江山

渺渺錢塘路幾千想君到後事依然靜逢竺寺猿偷橘
閒看蘇家女採蓮故妓數人憑問訊新詩兩首倩留傳
舍人雖健無多興老校當時八九年

杭民呼余
為白舍人

劉蘇州寄釀酒糯米李浙東寄楊柳枝舞衫偶因

嘗酒試衫輒成長句寄謝之

柳枝謾蹋試雙袖桑落初香嘗一杯金屑醅濃吳米釀
銀泥衫穩越娃裁舞時已覺愁眉展醉後仍教笑口開
慙愧故人憐寂寞三千里外寄歡來

早春憶遊思黯南莊因寄長句

南莊勝處心常憶借問軒車早晚遊美景難忘竹廊下

好風爭奈柳橋頭冰消見水多於地雪霽看山盡入樓
若待春深始同賞鶯殘花落却堪愁

早夏曉興贈夢得

窓明簾薄透朝光卧整巾簪起下床背壁燈殘經宿焰
開箱衣帶隔年香無情亦任他春去不醉爭銷得晝長
一部清商一壺酒與君明日煖新堂

春盡日宴罷感事獨吟

開成五年三
月三十日作

五年三月今朝盡客散筵空獨掩扉病共樂天相伴住
春隨樊子一時歸閒聽鶯語移時立思逐楊花觸處飛
金帶縷腰衫委地年年哀瘦不勝衣

在家出家

衣食支吾婚嫁畢從今家事不相仍
夜眠身是投林鳥
朝飯心同乞食僧
清唳數聲松下鶴
寒光一點竹間燈
中宵入定跏趺坐
女喚妻呼多不應

九江北岨遇風雨

黃梅縣邊黃梅雨
白頭浪裏白頭翁
九江濶處不見岸
五月盡時多惡風
人間穩路應無限
何事拋身在此中
十年三月三十日
別微之於澧上十四年三月十
一日夜遇微之於峽中
停舟夷陵三宿而別言
不盡者以詩終之
因賦七言十七韻以贈且欲
記所遇之地與相見之時
為他年會話張本也
澧水店頭春盡日
送君上馬謫通川
夷陵峽口明月夜

此處逢君是偶然
一別五年方見面
相攜三宿未迴船
坐從日暮惟長歎
語到天明竟未眠
齒髮蹉跎將五十
關河迢遞過三千
生涯共寄滄江上
鄉國俱拋白日邊
往事渺茫都是夢
舊遊零落半歸泉
醉悲灑淚春杯裏
吟苦支頤曉燭前
莫問龍鍾惡官職
且聽清脆好詩篇
微之別來有新詩
數百篇麗絕可愛
別來只是成詩癖
老去何曾更酒顛
各限
王程須去住
重開離宴貴留連
黃牛渡北移征棹
白狗
崖東卷別筵
黃牛白狗皆峽中地名
即與微之遇別之所也
神女臺雲間繚繞
使君灘
水急潺湲風淒暝
色愁楊柳月平宵
聲哭杜鵑萬丈赤
幢潭底日一條
白練峽中天
君還秦地辭炎徼
我向忠
州入瘴煙未死會
應相見在又知何地復何年

微之整集舊詩及文筆為百軸以七言長句寄樂
天樂天次韻酬之餘思未盡加為六韻重寄

海內聲華併在身篋中文字絕無倫美微之也遙知獨對封章
草忽憶同為獻納臣走筆往來盈卷軸予與微之前後寄和詩數百篇近代無如此多

有除官遞互掌絲綸予除中書舍人微之撰制詞微之除翰林學士予撰制詞制從長慶辭

高古微之長慶初知制誥文格高古始變俗體繼者效之也詩到元和體變新衆稱元白為千

和各有文姬才稚齒茶邕無兒有女琰字文姬俱無通子繼餘塵陶潛小兒名通

子琴書何必求王粲與女猶勝與外人

重題別東樓

東樓勝事我偏知氣象多隨昏旦移湖卷衣裳白重疊
山張屏障綠參差海仙樓塔晴方出江女笙簫夜始吹

春雨星攢尋蟹火秋風霞颭弄濤旗餘杭風俗每寒食雨後夜涼家家持燭尋蟹動盈萬

人每歲八月迎濤弄水者悉舉旗幟焉宴宜雲髻新梳後曲愛霓裳未拍時太

守三年嘲不盡郡齋空作百篇詩

憶杭州梅花因敘舊遊寄蕭協律

三年閒悶在餘杭曾為梅花醉幾場伍相廟邊繁似雪
孤山園裏麗如粧蹋隨遊騎心長惜折贈佳人手亦香

賞自初開直至落歡因小飲便成狂薛劉相次埋新壠

沈謝雙飛出故鄉薛劉二客沈謝二妓皆當時歌酒之侶歌伴酒徒零散盡惟

殘頭白老蕭郎

泛太湖書事寄微之

煙渚雲帆處處通飄然舟似入虛空玉杯淺酌巡初匝

金管徐吹曲未終黃夾纈林寒有葉碧琉璃水淨無風
避旗飛鷺翩翩白鷺鼓跳魚拔刺紅澗雪壓多松偃蹇
巘泉滴久石玲瓏書為故事留湖上所見勝景多記
在湖中石上吟作新
詩寄浙東軍府威容從道盛江山氣色定知同報君一
事君應羨五宿澄波皓月中

春早秋初因時即事兼寄浙東李侍郎

春早秋初晝夜長可憐天氣好年光和風細動簾帷暖
清露微凝枕簟涼窓下曉眠初減被池邊晚坐乍移床
閒從蕙草侵堦綠靜任槐花滿地黃理曲管絃聞後院
熨衣燈火映深房四時新景何人別遙憶多情李侍郎
御定全唐詩錄卷第六十四

御定全唐詩錄卷第六十五

禮部侍郎臣徐倬翰林院侍讀學士臣徐元正奉

旨校刊

白居易八

近體詩三

池畔

結構池西廊疏理池東樹此意人不知欲為待月處
持刀剝古切密竹竹少風來多此意人不會欲令池有波
夜雪

已訝衾枕冷復見窓戶明夜淡知雪重時聞折竹聲

忠州郡中

白居易

元卷

鄉路音信斷山城日月遲欲知州近遠堦前摘荔枝

醉中對紅葉

臨風杪秋樹對酒長年人醉貌如霜葉雖紅不是春

雨中題哀柳

溼屈青條折寒飄黃葉多不知秋雨意更遣欲如何

曲江憶元九

春來無伴閒遊少行樂三分減二分何況今朝杏園裏
閒人逢盡不逢君

醉中歸盤屋

金光門外昆明路半醉騰騰信馬迴數日非關王事繫
牡丹花盡始歸來

過天門街

雪盡終南又欲春遙憐翠色對紅塵千車萬馬九衢上
迴首看山無一人

重到毓材宅有感

欲入中門淚滿巾庭花無主兩迴春軒窓簾幕皆依舊
只是堂前欠一人

感故張僕射諸妓

黃金不惜買蛾眉揀得如花三四枝歌舞教成心力盡
一朝身去不相隨

寒食夜月

風香露重梨花濕草舍無燈愁未入南鄰北里歌吹時

獨倚柴門月中立

臨江送夏瞻

瞻年七十餘

悲君老別我露巾七十無家萬里身愁見舟行風又起
白頭浪裏白頭人

同李十一醉憶元九

花時同醉破春愁醉折花枝作酒籌忽憶故人天際去
計程今日到梁州

禁中九日對菊花酒憶元九

賜酒盈杯誰共持宮花滿把獨相思相思只傷花邊立
盡日吟君詠菊詩

元詩云不是花中偏愛菊此花開盡更無花

微之宅殘牡丹

殘紅零落無人賞雨打風吹花不全諸處見時猶悵望
况當元九小庭前

駱口驛舊題詩

和元微之

拙詩在壁無人愛烏汙苔侵文字殘惟有多情元侍御
繡衣不惜拂塵看

江上笛

江上何人夜吹笛聲聲似憶故園春此時聞者堪頭白
况是多愁少睡人

望驛臺

三月三十日

靖安宅裏當窓柳望驛臺前撲地花兩處春風同日盡
居人思客客思家

寄上大兄

在下邳
林居作

秋鴻過盡無書信
病戴紗巾強出門
獨上荒臺東北望
日西愁立到黃昏

暮立

黃昏獨立佛堂前
滿地槐花滿樹蟬
大抵四時心總苦
就中腸斷是秋天

王昭君

時年
十七

滿面胡沙滿鬢風
眉銷殘黛臉銷紅
愁苦辛勤憔悴盡
如今却是畫圖中
漢使却迴憑寄語
黃金何日贖蛾眉
君王若問妾顏色
莫道不如宮裏時

重到城七絕句

選五
首

見元九

容貌一日減
一日心情十分無
九分每逢陌路猶嗟歎
何況今朝是見君

高相宅

青苔故里懷恩地
白髮新生抱病身
涕淚雖多無哭處
永寧門館屬他人

張十八

諫垣幾見遷遺補
憲府頻聞轉殿監
獨有詠詩張太祝
十年不改舊官銜

劉家花

劉家墻上花還發李十門前草又春處處傷心心始悟
多情不及少情人

仇家酒

年年老去歡情少處處春來感事深時到仇家非愛酒
醉時心勝醒時心

松樹和元
微之

白金換得青松樹君既先栽我不栽幸有西風易憑仗
夜深偷得好聲來

醉後却寄元九

蒲池村裏匆匆別澧水橋邊兀兀迴行到城門殘酒醒
萬重離恨一時來

雨夜憶元九

天陰一日便堪愁何況連宵雨不休一種雨中君最苦
偏梁閣道向通州

雨中攜元九詩訪元八侍御

微之詩卷憶同開暇日多應不入臺好句無人堪共詠
衝泥蹋水就君來

白牡丹

白花冷淡無人愛亦占芳名道牡丹應是東宮白贊善
被人還喚作朝官

病中答招飲者

顧我鏡中悲白髮儘君花月醉青春不緣眼痛兼身病

可是樽前第二人

燕子樓三首

并序

徐州故尚書張有愛妓曰眇眇善歌舞雅多風
態予為校書郎時遊徐泗間張尚書宴予酒酣
出眇眇以佐飲歡甚予因贈詩云醉嬌勝不得
風嫋牡丹花盡歡而去爾後絕不相聞迨茲僅
一紀矣昨日司勳負外郎張仲素續之訪余因
吟新詩有燕子樓三首詞甚婉麗詰其由為眇
眇作也續之從事武寧軍累年頗知眇眇始末
云尚書既沒歸葬東洛而彭城有張氏舊第第
中有小樓名燕子眇眇念舊愛而不嫁居是樓

十餘年幽獨塊然於今尚在予愛續之新詠感
彭城舊遊因同其題作三絕句

滿窓明月滿簾霜被冷燈殘拂卧牀燕子樓中霜月夜
秋來只為一人長

鈿暈羅衫色似煙幾回欲着即潛然自從不舞霓裳曲
疊在空箱十二年

今春有客洛陽回曾到尚書墓上來見說白楊堪作柱
爭教紅粉不成灰

初貶官過望秦嶺

草草辭家憂後事遲遲去國問前途望秦嶺上回頭立
無限秋風吹白鬚

藍橋驛見元九詩

詩中云江陵歸時逢春雪

藍橋春雪君歸日秦嶺秋風我去時每到驛亭先下馬
循墻遠柱覓君詩

韓公堆寄元九

韓公堆北澗西頭冷雨涼風拂面秋努力南行少惆悵
江州猶似勝通州

武關南見元九題山石榴花見寄

往來同路不同時前後相思兩不知行過關門三四里
榴花不見見君詩

白鷺

人生四十未全衰我為愁多白髮垂何故水邊雙白鷺

無愁頭上亦垂絲

舟夜贈內

三聲猿後垂鄉淚一葉舟中載病身莫凭水窓南北望
月明月闇總愁人

逢舊

我梳白髮添新恨君掃青蛾減舊容應被傷人恠惆悵
少年離別老相逢

舟中讀元九詩

把君詩卷燈前讀詩盡燈殘天未明眼痛滅燈猶闇坐
逆風吹浪打船聲

聽崔七妓人箏

花臉雲鬟坐玉樓十三絃裏一時愁憑君向道休彈去
白盡江州司馬頭

望江州

江迴望見雙華表知是潯陽西郭門猶去孤舟三四里
水煙沙雨欲黃昏

宿西林寺

木落天晴山翠開愛山騎馬入山來心知不及柴桑令
一宿西林便欲回

柴桑令劉遺民是也

惜落花贈崔二十四

漠漠紛紛不奈何狂風急雨兩相和晚來悵望君知否
枝上稀疎地上多

題廬山山下湯泉

一眼湯泉流向東浸泥澆草煖無功驪山溫水因何事
流入金鋪玉甃中

大林寺桃花

人間四月芳菲盡山寺桃花始盛開長恨春歸無覓處
不知轉入此中來

戲問山石榴

小樹山榴近砌栽半含紅萼帶花來爭知司馬夫人妬
移到庭前便不開

聞龜兒詠詩

憐渠已解咏詩章搖膝支頤學二郎莫學二郎吟太苦

纔年四十髻如霜

劉十九同宿

時淮寇初破

紅旗破賊非吾事黃紙除書無我名
惟共嵩陽劉處士圍棋賭酒到天明

贈江客

江柳陰寒新雨地塞鴻聲急欲霜天
愁君獨向沙頭宿水遶蘆花月滿船

別草堂三絕句

正聽山鳥向陽眠黃紙除書落枕前
爲感君恩須暫起爐峰不擬住多年

久眠褐被爲居士忽挂緋袍作使君
身出草堂心不出

廬山未要勒移文

三間茅舍向山開一帶山泉遶舍迴
山色泉聲莫惆悵三年官滿却歸來

鍾陵餞送

翠幕紅筵高在雲歌鍾一曲萬家聞
路人指點滕王閣看送忠州白使君

木蓮樹生巴峽山谷間巴民亦呼爲黃心樹
大者高五丈涉冬不凋身如青楊有白文葉如桂厚

大無脊花如蓮香色艷膩皆同獨房蕊有異四
月初始開自開迨謝僅二十日忠州西北十里
有鳴玉谿生者穠茂惜其遐僻因題三絕句云

如折芙蓉栽旱地似拋芍藥挂高枝雲埋水隔無人識
惟有南賓太守知
紅似臙脂膩如粉傷心好物不須臾山中風起無時節
明日重來得在無
已愁花落荒巖底復憾根生亂石間幾度欲移移不得
天教拋擲在深山

東樓招客夜飲

莫辭數數醉東樓除醉無因破得愁惟有綠樽紅燭下
鬢時不似在忠州

竹枝詞

瞿塘峽口水煙低白帝城頭月向西唱到竹枝聲咽處

寒猿閨鳥一時啼

竹枝苦怨怨何人夜靜山空歇又聞蠻兒巴女齊聲唱
愁殺江南病使君

巴東船舫上巴西波面風生雨脚齊水蓼冷花紅簇簇
江籬溼葉碧淒淒

江畔誰人唱竹枝前聲斷咽後聲遲恠來調苦緣詞苦
多是通州司馬詩

送高侍御使迴因寄楊八

明月峽邊逢制使黃茆岫上是忠州到城莫說忠州惡
無益虛教楊八愁

三月三日

暮春風景初三日流世光陰半百年欲作閒遊無好伴
半江惆悵却回船

寒食夜

四十九年身老日一百五夜月明天抱膝思量何事在
癡男駮女喚鞦韆

期不至

紅燭青樽久延佇出門入門天欲曙星稀月落竟不來
煙柳朧朧鵲飛去

傷春詞

深淺簷花千萬枝碧紗窓外轉黃鸝殘粧含淚下簾坐
盡日傷春春不知

後宮詞

淚溼羅巾夢不成夜深前殿按歌聲紅顏未老恩先斷
斜倚薰籠坐到明

思婦眉

春風搖蕩自東來折盡櫻桃綻盡梅惟餘思婦愁眉結
無限春風吹不開

空閨怨

寒月沉沉洞房靜真珠簾外梧桐影秋霜欲下手先知
燈底裁縫剪刀冷

採蓮曲

菱葉縈波荷颭風荷花深處小船通逢郎欲語低頭笑

碧玉搔頭落水中

內鄉縣村路作

日下風高野路涼
緩驅疲馬闇思鄉
渭邨秋物應如此
棗赤梨紅稻穗黃

竹樓宿

小書樓下千竿竹
深火爐前一盞燈
此處與誰相伴宿
燒丹道士坐禪僧

自感

宴遊寢食漸無味
杯酒管絃徒繞身
賓客歡娛僮僕飽
始知官職爲他人

醉戲諸妓

席上爭飛使君酒
歌中多唱舍人詩
不知明日休官後
逐我東山去是誰

河陰夜泊憶微之

憶君我正泊行舟
望我君應上郡樓
萬里月明同此夜
黃河東面海西頭

杭州迴舫

自別錢塘山水後
不多飲酒懶吟詩
欲將此意憑回棹
與報西湖風月知

寫新詩寄微之偶題卷後

寫了吟看滿卷愁
淺紅牋紙小銀鈎
未容寄與微之去
已被人傳到越州

種白蓮

吳中白藕洛中栽莫戀江南花
懶開萬里攜歸爾知否
紅蕉朱槿不將來

宿竇使君莊水亭

使君何在在江東池柳初黃杏欲紅
有興即來閒便宿
不知誰是主人翁

杏園花下贈劉郎中

恠君把酒偏惆悵曾是貞元花下人
自別花來多少事
東風二十四回春

酬嚴給事

聞唐昌觀玉蕊花
下有遊仙絕句

羸女偷乘鳳去時洞中潛歇弄瓊枝
不緣啼鳥春饒舌

青瑣仙郎可得知

白蓮池汎舟

白藕新花照水開紅窓小舫信風迴
誰教一片江南興
逐我殷勤萬里來

晚歸府

晚從履道來歸府街路雖長尹不嫌
馬上涼於牀上坐
綠槐風透紫蕉衫

春風

春風先發苑中梅櫻杏桃梨次第開
薺花榆莢深村裏
亦道春風為我來

府酒五絕

選一首

辨味

甘露太甜非正味醴泉雖潔不芳馨杯中此物何人別
柔旨之中有典刑

楊柳枝詞

六么水調家家唱白雪梅花處處吹古歌舊曲君休聽
聽取新翻楊柳枝
陶令門前四五樹亞夫營裏百千條何似東都正二月
黃金枝映洛陽橋
依依嫋嫋復青青勾引春風無限情白雪花繁空撲地
綠絲條弱不勝鶯
紅板江橋青酒旗館娃宮暖日斜時可憐雨歇東風定

萬樹千條各自垂

蘇州楊柳任君誇更有錢塘勝館娃若解多情尋小小
綠楊淡處是蘇家

蘇家小女舊知名楊柳風前別有情剝條盤作銀環樣
卷葉吹爲玉笛聲

葉含濃露如啼眼枝嫋輕風似舞腰小樹不禁攀折苦
乞君留取兩三條

人言柳葉似愁眉更有愁腸似柳絲柳絲挽斷腸牽斷
彼此應無續得期

浪淘沙詞

白浪茫茫與海連平沙浩浩四無邊暮去朝來淘不住

遂令東海變桑田

青草湖中萬里程黃梅雨裏一人行愁見灘頭夜泊處
風翻閣浪打船聲

借問江潮與海水何似君情與妾心相恨不如潮有信
相思始覺海非深

海底飛塵終有日山頭化石豈無時誰道小郎拋小婦
船頭一去沒迴期

病中詩十五首

并序
選音

開成己未歲余蒲柳之年六十有八冬十月甲
寅旦始得風痺之疾體癢音目眩左足不支蓋
老病相乘時而至耳余早棲心釋梵浪跡老莊

因疾觀身果有所得何則外形骸而內忘憂志
先禪觀而後順鑿治旬月以還厥疾少間杜門
高枕澹然安閒吟諷興來亦不能遏因成十五
首題為病中詩且貽所知兼用自廣昔劉公幹
病漳浦謝康樂卧臨川咸有篇章抒詠其志今
引而序之者慮不知我者或加誚焉

賣駱馬

五年花下醉騎行臨賣迴頭嘶一聲項籍顧騅猶解歎
樂天別駱豈無情

別柳枝

兩枝楊柳小樓中嫋娜多年伴醉翁明日放歸歸去後

世間應不要春風

夜涼

露白風清庭戶涼
老人先着夾衣裳
舞腰歌袖拋何處
惟對無絃琴一張

客有說

客即李浙東也所說不能具錄其事自注

近有人從海上迴
海山深處見樓臺
中有仙龕虛一室

多傳此待樂天來

按逸史會昌元年李師稷中丞為浙東觀察使有商客遭風飄蕩至一大山盡非人間維舟上岸至一處若大

寺觀一道人鬚眉悉白侍衛數人坐大殿上與語曰汝中國人有緣方得一到此蓬萊山也遣左右引遊觀院宇數十皆有名號至一院扁鑠甚嚴因窺之眾花滿庭堂有衲禪焚香階下客問之答曰此是白樂天院樂天未來耳乃潛記之歸旬日至越具白廉使李公盡錄以報白公先是白公平生惟修上生業及覽李公所報乃為詩二首答之其事如此

答客說

吾學空門非學仙
恐君此說是虛傳
海山不是吾歸處
歸即應歸兜率天

予晚年結彌勒上生業故云

楊柳枝詞

一樹春風萬萬枝
嫩於金色軟於絲
永豐西角荒園裏

盡日無人屬阿誰

雲溪友議曰居易有妓樊素善歌小蠻善舞常為詩曰櫻桃樊素口楊柳小蠻腰年既高邁而小蠻方豐

艷因作楊柳詞以托意焉

詔取永豐柳植禁苑感賦

一樹哀殘委泥土
雙枝榮耀植天庭
定知元象今春後

柳宿光中添兩星

宣宗朝國樂唱前詞上問誰作永豐在何處左右具以對遂因東使命取永豐柳兩株植于禁中居易感上知

其名且好尚風雅又為詩一章

附九老會詩并序

白居易

元稹

胡吉劉鄭盧張等六賢皆多年壽余亦次焉於
東都敞居履道坊為尚齒之會七老相顧既醉
且歡靜而思之此會希有因各賦七言六韻詩
一章以記之或傳諸好事者時會昌五年三月
二十四日樂天序

胡杲

懷州司馬
年八十九

閑居同會在三春大抵愚年最出群霜鬢不嫌杯酒興
白頭仍愛玉爐薰徘徊玩柳心猶健老大看花意却勤
鑿落滿斟判酪酌香囊高掛任氤氳搜神得句題紅紙
望景長吟對白雲今日交情何不替齊年同事聖明君

吉皎

衛尉卿致仕
年八十八

休官罷任已閑居林苑園亭興有餘對酒最宜花藻發
邀歡不厭柳條初低腰醉舞垂緋袖擊筯謳歌任褐裾
寧用管絃來合雜自親松竹且清虛飛觥酒到須先酌
賦詠詩成不住書借問商山賢四皓不知此後更何如

劉真

前磁州刺史
年八十七

垂絲今日幸同筵朱紫居身是大年賞景尚知心未退
吟詩猶覺力完全閑庭飲酒當三月在席揮毫象七賢
山茗煮時秋霧碧玉杯斟處綵霞鮮臨堦花笑如歌妓
傍竹泉聲當管絃雖未學窮生死訣人間豈不是神仙

鄭據

前龍武軍長
史年八十五

東洛幽閑日暮春邀歡多是白頭賓官班朱紫多相似

年紀高低次第勻聯句每言松竹意停杯多說古今人
更無外事來心肺空有清虛入思神醉舞兩迴迎勸酒
狂歌一曲會閒身今朝何事偏情重同作明時列任人

盧貞

前侍御史內供奉官年八十四

三春已盡洛陽宮天氣初晴景象中千朵嫩桃迎曉日
萬株垂柳逐和風非論官位皆相似及至年高亦共同
對酒歌聲猶覺妙玩花詩思豈能窮先時共作三朝貴
今日猶逢七老翁但願醪醑常滿酌煙霞萬里會應通

張渾

前永州刺史年七十七

幽亭春盡共為歡印綬居身是大官遁跡豈勞登遠岫
垂絲何必坐溪磻詩聯六韻猶應易酒飲三杯未覺難

每况襟懷同宴會共將心事比波瀾風吹野柳懸羅帶
日照庭花落綺紈此席不須鋪錦帳斯筵堪作画图看

白居易

刑部尚書致仕年七十四

七人五百八十四拖紫紆朱垂白鬚囊裡無金莫嗟歎
樽中有酒且歡娛吟成六韻神還壯飲到三杯氣尚麗
嵬峩狂歌教婢拍婆娑醉舞遣孫扶天年高過二疏傳
人數多於四皓圖除却三山五天竺人間此會且應無

樂天云其年夏又有二老年貌絕倫同歸故鄉亦來斯會續命書姓名年齒寫其
形貌附于圖右與前七老題為九老圖仍以一絕贈之曰雪作鬚眉雲作衣遠東
華表暮雙歸當時一鶴猶希有何况今逢兩令威二老者洛中遺老李元爽年一百
三十六禪僧如滿年九十五又云時秘書狄兼謨河南尹盧貞以年未及七十雖
與會而不及列

御定全唐詩錄卷第六十五

Blank page with vertical lines for text.

御定全唐詩錄卷第六十六

禮部侍郎臣徐倬翰林院侍讀學士臣徐元正奉

旨校刊

元稹

稹字微之河南人幼孤母鄭賢而文親授書傳九
歲工屬文十五擢明經判入等補校書郎元和元
年舉制科對策第一拜左拾遺當路者惡之出為
河南尉以母喪解服除拜監察御史按獄東川因
劾奏節度使嚴礪七刺史皆奪俸礪黨怒俄分司
東都復論奏韓臯等十餘事會河南尹房式坐罪
稹舉劾按故事追攝移書停務詔薄式罪召稹還

次敷水驛中人仇士良夜至稹不讓中人怒擊稹
敗面宰相以稹年少輕樹威失憲臣體貶江陵士
曹參軍而李絳崔羣白居易皆論其枉久乃徙通
州司馬改號州長史元和末召拜膳部員外郎稹
尤長於詩與居易名相埒天下傳諷號元和體往
往播樂府穆宗在東宮妃嬪近習皆誦之宮中呼
元才子稹之謫江陵善監軍崔潭浚長慶初潭浚
方親幸以稹歌辭數十百篇奏御帝大悅問稹今
安在曰為南宮散郎即擢祠部郎中知制誥俄遷
中書舍人翰林承旨學士裴度劾稹傾亂國政因
出為工部侍郎然眷倚不衰未幾進同中書門下

平章事朝野雜然輕笑李逢吉搆之罷宰相出為
同州刺史再朞徙浙東觀察使太和三年召為尚
書左丞俄拜武昌節度使卒贈尚書右僕射所論
著甚多行於世在越時辟竇鞏鞏天下工為詩與
之酬和故鏡湖秦望之奇益傳時號蘭亭絕唱
全唐詩話云稹聞西蜀薛濤有辭辯及為監察使
蜀以御史推鞫難得見焉嚴司空潛知其意每遣
薛往洎登翰林以詩寄曰錦江滑膩蛾眉秀幻出
文君與薛濤言語巧偷鸚鵡舌文章分得鳳凰毛
紛紛詞客多停筆箇箇公侯欲夢刀別後相思隔
烟水菖蒲花發五雲高後廉問浙東乃有劉採春

自淮甸而來容華莫比元贈詩曰新妝巧樣畫雙
蛾慢褱常州透額羅正面偷勻光滑笏緩行輕踏
皺紋波言辭雅措風流足舉止低徊秀媚多更有
惱人腸斷處選詞能唱望夫歌即羅噴之曲也元
在澗河七年因醉題東武亭其詩曰役役行人事
紛紛碎簿書功夫兩衙盡畱滯七年餘病痛梅天
發親情海岫疎因循未歸得不是戀鱸魚盧侍郎
簡永戲曰丞相雖不為鱸魚為好鏡湖春色耳謂
採春也

本事詩云元相公稹為御史鞫獄梓潼時白尚書
在京與名輩遊慈恩小酌花下為詩寄元曰花時

同醉破春愁醉折花枝當酒籌忽憶故人天際去
計程今日到梁州時元果及褒城亦寄夢遊詩曰
夢君兄弟曲江頭也向慈恩院裏遊驛吏喚人排
馬去忽驚身在古梁州千里神交合若符契自有
感夢記備記其事

古體詩

兔絲

人生莫依倚依倚事不成君看兔絲蔓依倚榛與荆荆
榛易蒙密百鳥撩亂鳴下有狐兔穴奔走亦縱橫樵童
斫將去柔蔓與之并翳薈生可耻束縛死無名桂樹月
中出珊瑚石上生俊鶻度海食應龍升天行靈物本特

達不復相纏縈縈竟何者荆棘與飛莖

雉媒

雙雉在野時可憐同嗜欲毛衣前後成一種文章足一
雉獨先飛衝開芳草綠網羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未宥來又啄翳前粟歛翮遠投君飛馳
勢奔蹙胃挂在君前向君聲促促信君決無疑不道君
相覆自恨飛太高疎羅偶然觸看看架上鷹擬食無罪

肉君意定何如依舊離籠宿

種竹 并序

昔樂天贈予詩云無波古井水有節秋竹竿予
秋來種竹廳下因而有懷聊書十韻

昔公憐有直比之秋竹竿秋來苦相憶種竹廳前看失
地顏色改傷根枝葉殘清風猶淅淅高節空團團鳴蟬
聒暮景跳蛙集幽欄塵土復晝夜梢雲良獨難丹丘信
云遠安得臨仙壇瘴江冬草綠何人驚歲寒可憐亭亭
幹一一青琅玕孤鳳竟不至坐傷時節闌

說劍

吾友有寶劍密之如密友我實膠漆交中堂共盃酒酒

酣肝膽露恨不眼前剖高唱荆卿歌亂擊相如缶更擊
復更唱更舞亦更壽白虹坐上飛青蛇匣中吼我聞音
響異疑是干將鬪為君再拜言神物可見不君言我所
重我自為君取迎篋已焚香近鞘先澤手徐抽寸寸刃
漸屈彎彎肘殺殺霜在鋒團團月臨紐逡巡潛虬躍鬱
律驚左右霆電滿室光蛟龍逐奮走何人為鑄之干將
別來久鑄時近山破藏在松桂朽幽質獄中埋神人水
心守本是泥稽滓果非雷煥有我欲評劍功願君良聽
受劍可剗犀兕劍可切瓊玖劍決天外雲劍衝日中斗
劍隳妖蛇腹劍拂佞臣首太古初斷鼇武王親擊紂燕
丹卷地圖陳平綰花綬會披桂樹枝寒光射林藪曾經

鑄農器利用剪稂莠神物終變化復為龍牝牡晉末武
庫燒脫然排戶牖為欲掃群兇散作彌天帚自茲失所
往豪英共為詬今復誰人鑄挺然千載後既非古風胡
無乃近鴟九自我與君遊平生益自負况擎寶劍出重
以雄心扣此劍何太奇此心何太厚勸君慎所寶所用
無或苟潛將避魑魅勿但驚妾婦畱斬泓下蛟莫試銜
中狗古今困泥滓我亦空塵垢俗耳驚大言逢人少開
口

遣興

始見梨花房坐對梨花白行看梨葉青已復梨葉赤嚴
霜九月半危蒂幾時客况有高高原秋風四來迫

莫厭夏日長莫愁冬日短欲識短復長君看寒又暖城
中百萬家冤哀雜絲管草沒奉誠園軒車昔曾滿
孤竹迸荒園誤與蓬麻列久擁蕭蕭風空長高高節嚴
霜蕩羣穢蓬斷麻亦折獨立轉亭亭心期鳳凰別

酬樂天

放鶴在淡水置魚在高枝升沉或異勢同謂非所宜君
為邑中吏皎皎鸞鳳姿顧我何為者翻侍白玉墀昔作
芸香侶三載不暫離逮茲忽相失旦夕夢魂思崔巍驪
山頂宮樹遙參差祇得兩相望不得長相隨多君歲寒
意裁作秋興詩上有風塵苦下言時節移官家事拘束
安得攜手期願為雲與雨會合天之垂

臺中鞠獄憶開元觀舊事呈損之兼贈周兄四十

韻

憶在開元觀食柏練玉顏疎慵日高卧自謂輕人寰李
生隔牆住隔牆如隔山怪我久不識先來問驕頑十過
乃一往遂成相往還以我文章卷文章甚編爛因言辛
庾輩亦願效羸屨既迴數子顧展轉相連攀驅令選科
目若在闈與闈學隨塵土墜漫數公卿關唯恐壞情性
安能懼訪訕還招辛庾李靜處盃巡環進取果由命不
由趨險艱穿楊二三子弓矢次第彎推我亦上道再聯
朝士班二月除御史三月使巴蠻蠻民詰誦訴嚙指明
痛壞憐蠻不解語為發昏帥姦歸來五六月旱色天地

殷分司別兄弟各各淚潸潸哀哉劇部職唯數贓罪緩
死歎依稀取鬪辭方便刪道心常自愧柔髮難久黷折
支望車乘支痛誰置患奇哉乳臭兒緋紫襦被間漸大
官漸貴漸富心漸慳開裝轡頭觸靜拭腰帶斑鷄子繡
線鞞狗兒金油鑲香湯洗驄馬翠篾籠白鷗月請公主
封冰受天子頒開筵試歌舞別宅寵妖嬈坐卧摩綿褥
捧擁綵絲鬟旦夕不相離比翼若飛鸞而我亦何苦三
十身已鰥愁吟心骨顛寒卧支體瘳居處雖幽靜尤悔
少愉瀾不如周道士鶴嶺臨鐘灣繞院松瑟瑟通畦水
潺潺陽坡自尋蕨村沼看漚管窮通兩未遂營營真老
閒

元和五年予官不了罰俸西歸

時公分司東都劾河南尹房式詔薄式罪召公還京

三月六日至陝府與吳十一兄端公崔二十二

院長思愴曩游因投五十韻

小年閑慶春認得春風意未有花草時先釀曉窗睡霞
朝澹雲色霽景牽詩思漸到柳枝頭川光始明媚長安
車馬客傾心奉權貴晝夜塵土中那言早春至此時我
獨遊我遊有倫次閒行曲江岸便宿慈恩寺扣林引寒
龜疏叢出幽翠凌晨過杏園曉露凝芳氣初暘好明淨
嫩樹憐低庫排房似綴珠欲啼紅臉淚新鶯語嬌小淺
水光流利冷飲空腹杯因成日高醉酒醒聞飯鐘隨僧
受遺施餐罷還復遊過從上文記行逢二月半始足遊

春騎是時春已老我遊亦云既藤開九華觀草結三條
隧新筍踴犀株落梅翻蝶翅名倡繡轂車公子青絲轡
朝士遇旬休豪家得春賜提攜好音樂剪鏟空田地同
占杏花園喧闐各叢萃顧予煩寢興復往散憔悴倦僕
色饑羸蹇驢行跛痺春衫未成就冬服漸塵膩傾蓋吟
短章書空憶難字遙聞公主笑近被王孫戲邀我上華
筵橫頭坐賓位那知我年少淡解酒中事能唱犯聲歌
偏精變籌義含詞待殘拍促舞遞繁吹叫噪擲骰盤生
穉攝觥使逡巡光景晏散亂東西異古觀閉閒門依然
復幽悶無端矯情性漫學求科試薄藝何足云虛名偶
頻遂拾遺天子前密奏升平議召見不須臾儉庸已猜

忌朝陪香案班暮作風塵尉

元和元年為左拾遺尋出為河南尉

去歲又登朝

元和四年母喪服闋拜御史

登為栢臺吏臺官相束縛不許放情志寓直

勞送迎上堂煩避諱分司在東洛所職尤不易罰俸得
西歸心知受朝庇常山攻小寇淮右擇良帥國難身不
行勞生欲何為吾兄諳性靈崔子同臭味投此挂冠詞
一生還自恣

寄吳士矩端公五十韻

昔在鳳翔日十歲即相識未有好文章逢人賞顏色可
憐何郎面二十纔冠飾短髮予近梳羅衫紫蟬翼伯舅
各驕縱仁兄未摧抑事業若盃盤詩書甚徽纒西州戎
馬地賢豪事雄特百萬時可贏十千良易借寒食桐陰

下春風柳林側藉草送遠遊列筵酬博塞萋蕤雲幕翠
璨爛紅茵葩繪縷輕似絲香醅膩如醴將軍頻下城佳
人盡傾國媚語嬌不聞纖腰軟無力歌辭妙宛轉舞態
能剗刻箏絃玉指調粉汗紅綃拭予時最年少專務酒
中職未能媿生寧偏矜任狂直曲庇桃根蓋橫講捎雲
式亂布鬪分朋惟新聞讒慝耻作最先吐羞言未朝食
醉眼漸紛紛酒聲頻餑餑扣節參差亂飛觥往來織強
起相維持翻成兩匍匐邊霜颯然降戰馬鳴不息但喜
秋光麗誰憂塞雲黑常隨獵騎走多在豪家匿夜飲天
既明朝歌日還昃荒狂歲云久名利心潛逼時輩多得
途親朋屢相勅閒因適農野忽復愛稼穡平生中聖人

翻然腐腸賊亦從酒仙去便被書魔惑脫跡壯士場甘
心豎儒域矜持翠筠管敲斷黃金勒屢益蘭膏燈猶研
兔枝墨崎嶇來掉蕩矯枉事沉默隱笑甚艱難斂容還
劣削與君始分散勉我勞修飾岐路各營營別離長惻
惻行看二十載萬事紛何極相值或須臾安能洞胃臆
昨來陝邽會悲歡兩難克問我新相知但報長相憶豈
無新知者不及小相得亦有生歲游同年不同德為別
詎幾時伊予墜溝洫大江鼓風浪遠道參荆棘往事返
無期前途浩難測一旦得自由相求北山北

三月二十四日宿會峯館夜對桐花寄樂天

微月照桐花月微花漠漠怨澹不勝情低徊拂簾幕葉

新陰影細露重枝條弱夜久春恨多風清暗香薄是夕
遠思君思君瘦如削但感事睽違非言官好惡奏書金
鑾殿步履青龍閣我在山館中滿地桐花落

酬樂天書懷見寄

本題云初與微之別後忽夢見之及寤而微之書至兼覽桐花之什悵然書懷次用本韻

新昌北門外與君從此分街衢走車馬塵土不見君君
為分手歸我行行不息我上秦嶺南君直樞星北秦嶺
高崔魏商山好顏色月照山館花裁詩寄相憶天明作
詩罷草草從所如憑人寄將去三月無報書荊州白日
晚城上鼓鼙行逢賀州牧致書三四封封題樂天字
未拆已霑裳拆書八九讀淚落千萬行中有酬我詩句
句截我腸仍云得詩夜夢我魂淒涼終言作書處上直

金鑾東詩書費一夕萬恨緘其中中宵宮中出復見宮
月斜書罷月亦落曉燈垂暗花想君書罷時南望勞所
思况我江上立吟君懷我詩懷我浩無極江水秋正深
清見萬丈底照我平生心感君求友什因報壯士吟持
謝衆人口銷盡猶是金

張舊蚊幃

踰年間生死千里曠南北家居無見期况乃異鄉國破
盡裁縫衣忘收遺翰墨獨有縝紗幃憑人遠攜得施張
合歡榻展卷雙鴛翼已矣長空虛依然舊顏色徘徊將
就寢徙倚情何極昔透香田田今無魂惻惻隙穿斜月
照燈背空牀黑達理強開懷夢啼還過臆平生貧寡歡

天枉勞苦憶我亦詎幾時胡為自摧逼燭蛾焰中舞繭
蠶叢上織焦爛各自求他人顧何力多離因苟合惡影
當務息往事勿復言將來幸前識

夢遊春

昔歲夢遊春夢遊何所遇夢入溪洞中果遂平生趣清
冷淺漫流畫舫蘭篙渡過盡萬株桃盤旋竹林路長廊
抱小樓門牖相迴互樓下雜花叢叢邊遶鴛鴦池光漾
霞影曉日初明煦未敢上階行頻移曲池步烏龍不作
聲碧玉曾相慕漸到簾幙間徘徊意猶懼閒窺東西閣
奇玩參差布隔子碧油糊駝鈎紫金鍍逡巡日漸高影
響人將寤鸚鵡饑亂鳴嬌狂睡猶怒簾開侍兒起見我

遙相諭鋪設綉紅茵施張鈿裝具潛褰翡翠帳瞥見珊

瑚樹不辨花貌人空驚香若霧身迴夜合偏態斂晨霞

聚睡臉桃破風汗妝蓮委露叢梳百葉髻時勢金感重

臺屨踏殿紕軟鈿頭裙瑟瑟玲瓏合歡袴夾纈鮮妍脂

粉薄暗淡衣裳故最似紅牡丹雨來春欲暮夢魂良易

驚靈境難久寓夜夜望天河無由重沿沂結念心所期

返如禪頓悟覺來八九年不向花迴顧雜合兩京春喧

闐衆禽護我到看花時但作懷仙句浮生轉經歷道性

尤堅固近作夢仙詩亦知勞肺腑一夢何足云良時自

婚娶當年二紀初嘉節三星度朝薜玉珮迎高松女蘿

附韋門正全盛出入多歡裕甲第漲清池鳴騶引朱輅

廣榭舞菱蕤長筵賓雜厝青春詎幾日華實潛幽蠹秋
月照潘郎空山懷謝傅紅樓嗟壞壁金谷迷荒戍石壓
破闌干門摧舊柱桓雖云覺夢殊同是終難駐悰緒竟
何如夢絲不成約卓女白頭吟阿嬌金屋賦重壁盛姬
臺青冢明妃墓盡委窮塵骨皆隨流波注幸有古如今
何勞縑比素况余當盛時蚤歲諧時務詔冊冠賢良諫
垣陳好惡三十再登朝一登還一仆寵榮非不蚤遭迴
亦云屢直氣在膏盲氛氲日沉痼不言意不快快意多
言忤忤誠人所賊性亦天之付乍可沉為香不能浮作
瓠誠為堅所守未為明所措事事身已經營營計何誤
美玉琢文珪良金填武庫徒謂自堅貞安知受礪鑄長

絲羈野馬密網羅陰兔物外各迢迢誰能遠相顧時來
既若飛禍速當如驚曩意自未精此行何所訴努力去
江陵笑言誰與晤江花縱可憐奈非心所慕石竹逞姦
黠蔓菁誇畝數一種薄地生淺濶何足妒荷葉水上生
團團水中住瀉水置葉中君看不相污

和劉猛古題樂府

冬白紵

吳宮夜長宮漏欵簾幕四垂燈焰暖西施自舞王自管
雪紵翻翻鶴翎散上聲促節牽繁舞腰嬾舞腰嬾王罷飲
蓋覆西施鳳花錦身作匡牀臂為枕朝佩縱玉王晏寢
寢醒闈報門無事子胥死後言為諱近王之臣諭王意

共笑越王窮惴惴夜夜抱冰寒不睡

連昌宮詞

連昌宮中滿宮竹歲久無人森似束又有墻頭千葉桃
風動落花紅蔌蔌宮邊老人為予泣小年進食曾因入
上皇正在望仙樓太真同凭欄干立樓上樓前盡珠翠
炫轉熒煌照天地歸來如夢復如癡何暇備言宮裏事
初過寒食一百六店舍無烟宮樹綠夜半月高絃索鳴
賀老琵琶定場屋力士傳呼覓念奴念奴潛伴諸郎宿
須臾覓得又連催特勅街中許然燭春嬌滿眼睡紅綃
掠削雲鬟旋裝束飛上九天歌一聲二十五郎吹管逐
逡巡大遍涼州徹色色龜茲轟錄續李暮擊笛傷宮墻

偷得新翻數般曲

自注念奴天寶中名倡善歌每歲樓下酺宴累日之後萬眾喧隘嚴安之韋黃裳輩關易不能禁眾樂為之罷奏明皇遣高力士大呼于樓上曰欲遣念奴唱歌邠二十五郎吹小管逐看人能聽否未嘗不悄然奉詔其為當時所重也如此然而明皇不欲奪俠遊之盛未嘗置在宮禁亦或歲幸湯泉時巡東洛有司潛遣從行而已又明皇常于上陽宮夜後按新翻一曲屬明夕正月十五日潛遊燈下忽聞酒樓上有笛奏前夕新曲大駭之明日密遣捕捉笛者詰驗之自云其夕竊于天津橋翫月聞宮中度曲遂于橋柱上插譜記之臣即長安少年善笛者李暮也明皇異而遣之

平明

大駕發行宮萬人鼓舞途路中百官隊仗避岐薛楊氏
諸姨車鬪風明年十月東都破御路猶存祿山過驅令
供頓不敢藏萬姓無聲淚潛隨兩京定後六七年却尋
家舍行宮前莊園燒盡有枯井行宮門閉樹宛然爾後
相傳六皇帝不到離宮門久閉往來年少說長安元武
樓成華萼廢去年勅使因斫竹偶值門開暫相逐荆榛
櫛比塞池塘狐兔驕癡緣樹木舞榭欹傾基尚存文窗

窈窕紗猶綠塵埋粉壁舊花鈿烏啄風箏碎珠玉上皇
偏愛臨砌花依然御榻臨堦斜地出燕巢盤鬪拱菌生
香案正當衙寢殿相連端正樓太真梳洗樓上頭晨光
未出簾影黑至今反掛珊瑚鈎指示傍人因慟哭却出
宮門淚相續自從此後還閉門夜夜狐狸上門屋我聞
此語心骨悲太平誰致亂者誰翁言野父何分別耳聞
眼見為君說姚崇宋璟作相公勸諫上皇言語切燮理
陰陽禾黍豐調和中外無兵戎長官清平太守好揀選
皆言由至公開元之末姚宋死朝廷漸漸由妃子祿山
宮中養作兒號國門前鬧如市弄權宰相不記名依稀
憶得楊與李廟謨顛倒四海搖五十年來作瘡痂羽委切今

皇神聖丞相明詔書纔下吳蜀平官軍又取淮西賊此
賊亦除天下寧年年耕種宮前道今年不遣子孫耕老
翁此意淡望幸努力廟謨休用兵唐書云初植謫江陵與監軍崔
潭浚善長慶初潭浚歸朝出連
昌宮詞等篇奏御穆宗大悅即日拜祠部郎中知制誥遷翰林學士曾南豐云
津陽門詩長恨歌連昌宮詞俱載開元間事微之之詞不獨富麗至長官清平太
守好揀選皆言由至公委任責成治之所興也祿山宮中養作兒號國
門前鬧如市險詖私謁無所不至安得不亂耶植之叙事遠過二子

望雲驢馬歌

并序

德宗皇帝以八馬幸蜀七馬道斃唯望雲驢來
往不頓貞元中老死天廐臣植作歌以記之

憶昔先皇幸蜀時八馬入谷七馬疲肉綻筋攣四蹄脫
七馬死盡無馬騎天子蒙塵天雨泣巉岵道路淋漓濕
崢嶸白草眇難期認洞黃泉安可入

白草認洞並維谷中地名古諺云認洞入黃泉朱

泚圍兵抽未盡懷光寇騎追行及嬪娥相顧倚樹啼鵲
鷺無聲仰天立圍人初進望雲騅形色顛頽衆馬欺上
前噴吼如有意耳尖卓立節踈奇君王試遣迴胸臆撮
骨鋸牙駢兩肋蹄懸四跼腦顆方胯聳三山尾株直圍
人畏誚仍相惑此馬無良空有力頻頻嚙掣轡難施往
往跳趨鞍不得色沮聲悲仰天訴天不遣言君未識亞
身受取白玉羈開口銜將紫金勒君王自此方敢騎似
遇良臣久悽惻龍騰魚鼈倅然驚驥盼驢騾少顏色七
聖心迷運方厄五丁力盡路猶窄橐它山上斧刃堆望
秦嶺下錐頭石五六百里真符縣八十四盤青山驛掣
開流電有輝光突過浮雲無朕跡地平險盡施黃屋九

九屬車十二纛齊映前導引騅頭

帝自奉天奔梁道險澁映嘗為帝御會馬駭突帝命舍轡映曰

時震為山南西道節度使聞帝徙蹕馳表奉迎路傍垂

馬奔蹕不過傷臣捨之或驚清蹕

嚴震迎號抱騅足

使聞帝徙蹕馳表奉迎路傍垂

白天寶民望騅禮拜見騅哭皆言明皇當時無此馬不
免騎騾來幸蜀雄雄猛將李令公收城殺賊豺狼空天
旋地轉日再中天子却坐明光宮朝廷無事忘征戰校
獵朝迴暮毬宴御馬齊登擬用槽廐中號乘輿之馬曰擬用槽君王自試
宣徽殿圍人還進望雲騅性強步濶無方便分駿擺杖
頭太高擘肘迴頭項難轉人人共惡難迴跋潛遣飛龍
減芻秣銀鞍繡韉不復施空盡天年御槽活當時鄒諺
已有言莫倚功高浪開濶登山縱似望雲騅平地須饒
紅叱撥長安三月花垂草果下翩翩紫騮好千官煖熱

李令閒平朱泚之後天子既厭兵患將臣生事而張延賞當國復與晟有隙勸帝奪其兵柄百馬生甯望雲老
望雲騅爾之種類世世奇當時項王乘爾祖分配英豪
稱霸王爾身今日逢聖人從幸巴渝歸入秦功成事遂
身退天之道何必隨群逐隊到死蹋紅塵望雲騅用與
不用各有時爾勿悲臣按此詩為李令公晟而作用意深長與連昌詞並美

琵琶歌寄管兒兼誨鐵山

琵琶宮調八十一旋宮三調彈不出明皇偏許賀懷智
段師此藝還相匹自後流傳指撥衰崑崙善才徒爾為
湏聲少得似雷吼去聲纏不敢彈羊皮人間奇事會相
續但有卞和無有玉段師弟子數十人李家管兒稱上
足管兒不作供奉兒拋在東都雙髻絲逢人便請送盃

蓋著盡功夫人不知李家兄弟皆夢酒我是酒徒為密
友著作曾邀連夜宿中碾春溪華新綠平明船載管兒
行盡日聽彈無限曲曲名無限知者鮮霓裳羽衣偏宛
轉涼州大遍最豪嘈六么散序多籠然我聞此曲深賞
奇賞着奇處驚管兒管兒為我雙淚垂自彈此曲長自
悲淚垂捍撥朱絃濕冰泉鳴咽流鶯澁因茲彈作雨霖
鈴風雨蕭條鬼神泣一彈既罷又一彈珠幢夜靜風珊
珊低徊慢弄關山思坐對燕然秋月寒月寒一聲溪殿
磬驟彈曲破音繁併百萬金鈴旋玉盤醉客滿船皆暫
醒自茲聽後六七年管兒在洛我朝天遊想慈恩杏園
裏夢寐仁風花樹前去年御史畱東臺公私感促顏不

開今春制獄正撩亂晝夜推囚心似灰暫輟歸時尋著
作著作南園花折萼臙脂耀眼桃正紅雪片滿溪梅已
落是夕青春值三五花枝向月雲含吐著作施罇命管
兒管兒久別今方覩管兒還為彈六么六么依舊聲迢
迢猿鳴雪岫來三峽鶴唳晴空聞九霄逡巡彈得六么
徹霜刀破竹無殘節幽關鴟軋胡鴈悲斷絃春騷層冰
裂我為含淒歎奇絕許作長歌始終說藝奇思寡塵事
多許來寒暑又經過如今左降在閒處始為管兒歌此
歌歌此歌寄管兒管兒管兒憂爾衰爾衰之後繼者誰
繼之無乃在鐵山鐵山已近曹穆間性靈甚巧功猶淺
急處未得臻幽閒努力鐵山勤學取莫遣後來無所祖

古決絕詞

乍可為天上牽牛織女星不願為庭前紅槿枝七月七
日一相見相見故心終不移那能朝開暮飛去一任東
西南北吹分不兩相守恨不兩相思對面且如此背面
當可知春風撩亂伯勞語况是此時拋去時握手苦相
問竟不言後期君情既決絕妾意已參差借如死生別
安得長苦悲

御定全唐詩錄卷第六十六

御定全唐詩錄卷第六十七

禮部侍郎臣徐倬翰林院侍讀學士臣徐元正奉

旨校刊

元稹二

近體詩

晚秋

竹露滴寒聲
離人曉思驚
酒醒秋簟冷
風急夏衣輕
寢倦解幽夢
慮閒添遠情
誰憐獨欹枕
斜月透窗明

緣路

總是玲瓏竹
兼藏淺漫溪
沙平深見底
石亂不成泥
烟火遙村落
桑麻隔稻畦
此中如有問
甘被到頭迷

景中秋

蚊幌雨來卷燭蛾燈上稀啼兒冷秋簟思婦問寒衣簾
斷螢火入窗明蝙蝠飛良辰日夜去漸與壯心違
瓶瀉高簷雨窓來激箭風病憎燈火暗寒覺薄幃空婢
報樵蘇竭妻愁院落通老夫慵計數教想蔡城東
經雨籬落壞入秋田地荒竹垂哀折節蓮敗惜空房小
片慈菇白低叢柚子黃眼前撩亂輩無不是同鄉
雨柳枝枝弱風花片片斜蜻蜓憐曉露蛺蝶戀秋花饑
啖空籬雀寒棲滿樹鴉荒涼池館內不似有人家

生春

何處生春早春生曉禁中殿階龍旆日漏閣寶箏風藥

樹香烟重天顏瑞氣融柳梅渾未覺青紫已叢叢
何處生春早春生曉鏡中手寒勻面粉鬟動倚簾風宿
霧梅心滴朝光幕上融思牽梳洗嬾空拔綠絲叢
何處生春早春生綺戶中玉櫳穿細日羅幔張上聲輕風
柳軟腰支嫩梅香蜜氣融獨眠傷妒物偷鑿合歡叢

戲酬副使中丞見示四韻

莫恨蹇橐鞬交遊幾個全眼明相見日肺病欲秋天五
馬虛盈櫃雙蛾浪滿船可憐俱老大無處用閒錢

贈柔之

窮冬到鄉國正歲別京華自恨風塵眼常看遠地花碧
幢還照曜紅粉莫咨嗟嫁得浮雲壻相隨即是家

記事云
稹自會

稽拜尚書右丞到京未踰月出鎮武昌裴夫人柔之難之曰方歲杪到家鄉先春又赴任耶稹贈詩

新秋

旦暮已淒涼離人遠思忙夏衣臨曉薄秋影入簷長前
事風隨扇歸心燕在梁殷勤寄牛女河漢正相望

贈雙文

艷極翻含怨憐多轉自嬌有時還暫笑閒坐更無慘曉
月行看墮春酥見欲消何因宵垂手不敢望迴腰

酬樂天東南行詩一百韻 并序

元和十年三月二十五日予司馬通州二十九
日與樂天於鄆東蒲池村別各賦一絕到通州
後予又寄一篇尋而樂天貺予八首予時瘧病

將死一見外不復記憶十三年予以赦當遷簡
省書籍得是八篇吟嘆方極適崔果州使至為
予致樂天去年十二月二日書書中寄予百韻
至兩韻凡二十四章屬李景信校書自忠州訪
予連牀遞飲之間悲咤使酒不三兩日盡和去
年已來三十二章皆畢李生視草而去四月十
三日予手寫為上下卷仍依次重用本韻亦不
知何時得見樂天因人或寄去通之人莫可與
言詩者唯妻淑在旁知狀 其本卷尋時於峽
州面付樂天別本都在唱和卷中此卷唯五言
大律詩二首而已

我病方吟越君行已過湖

元和十年閏六月至通州染瘴危重八月聞樂天司馬江州

去應緣

直道哭不為窮途亞竹寒驚牖空堂夜向隅暗魂思背

燭危夢怯乘桴

此後每聯之內半述巴蜀土風半述江鄉物產

坐痛筋骸憊旁嗟物候

殊雨蒸重沸渭浪湧怪睢盱索綆飄蚊蚋蓬麻斃舳艫

短簷苦稻草微俸封去聲漁租泥浦喧撈蛤荒郊險鬪貙

鯨吞近溟漲猿鬧接黔巫芒屨涸牛婦丫頭蕩漿夫酢

醅荷裹賣醪酒水淋漓

巴民造酒如淋醋法

舞態翻鸚鵡歌辭咽鷓

鴟夷音啼似笑蠻語謎相呼江郭船添店山城木豎郭

吠聲沙市犬爭食墓林烏獷俗誠堪憚妖神甚可虞欲

令仁漸及已被瘧潛圖膳減思調鼎行稀恐蠹樞雜蓐

多剖鱖和黍半蒸菰綠糗新菱實金丸小木奴

巴橘酸澁大如彈丸

芋羹真整淡鼯炙漫塗蘇魚鼈那勝烹鯨只似鱸州通

俗以鮓魚為鱸

楚風輕似蜀巴地濕如吳氣濁星難見州斜日易

晡通宵但雲霧未酉即桑榆

此後並言巴中風俗

瘴窟蛇休蟄炎溪

暑不徂俚俵魂陰叫嘯鵬貌晝踟躕鄉里家藏蠱官曹世

乏儒歛緡偷印信傳箭作符繻椎髻拋巾幘鑱音刀代

鞭轡當心鞞銅鼓背馳射桑弧

巴民盡射木弓仍于弓左安箭

豈復民毗料

須將鳥獸驅是非渾泣漆詞訟敢研朱陋室鴉窺伺衰

形蟒覬覦鬚毛霜點合襟淚血痕濡倍憶京華伴偏忘

我爾軀

此後並言與樂天同科共遊處等事

謫居今共遠榮路惜同趨科試銓

衡局衙參典校廚

書判同年校正同省

月中分桂樹天上識菖蒲應

召逢鴻澤陪遊值賜脯心唯撞衛磬耳不亂齊竽

此後並言

同應制時事

海岱詞鋒截皇王筆陣毆疾奔凌駮裏高唱軼吳

飲點檢張儀舌提攜傳說圖擺囊看利穎開領出明珠

並取千人特皆非十上徒白麻雲色膩墨詔電光粗衆

口貪歸美何顏敢妒姝秦臺納紅旭艷匣洗黃壚諫獵

寧規避彈豪詎囁肺肝憎巧曲蹊徑絕縈迂誓遣朝

綱振忠饒翰苑輸元和四年為監察御史樂天為翰林學士驥調方汗血蠅點忽

成盧遂謫栖遑掾還飛送別孟痛嗟親愛隔顛望友朋

扶狸病翻隨鼠驄羸返作駒物情良狗俗時論大誣吾

瓶罄壘偏恥松摧栢自枯虎雖遭陷甯龍不怕泥塗此

並述五年貶掾江陵樂天亦遭罹謫樂重喜登賢苑方欣佐伍符九年樂天除太子贊善子從事唐州

也判身入矛戟輕敵比錙銖驛騎來千里天書下九衢

因教罷飛檄便許到皇都十年春自唐州詔予召入京舟敗嬰浮漢驂疲

杖過邗郵亭一蕭索烽候各崎嶇餽人推輅誰何吏

執爰拔家逃力役連鑣責逋誅防戍兄兼弟收田婦與

姑縑緇工女竭青紫使臣紆望國參雲樹歸家滿地蕪

破窗塵埽埽幽院鳥鳴鳴此下並言靖安里無人居觸目荒涼祖竹藪新荀孫

枝壓舊梧晚花狂蛺蝶殘蒂宿茱萸始悟摧林秀因銜

避繳蘆文房長遣閉經肆未曾鋪鷓鷯方求侶鴟鳶已

嚇雛徵還何鄭重斥去亦須臾迢遞投遐徼蒼黃出奧

區通川誠有咎溢口定無辜三月稹之通川八月樂天之江州利器從頭匣

剛腸到底剗薰蕕任盛貯稊稗莫超踰公幹經時卧鍾

儀幾歲拘光陰流似水蒸瘴熱於鑪薄命知然也深交

有矣夫救焚期骨肉投分刻肌膚

本題云寄澧州李十舍人果州

通州元九侍御庾三十三補闕杜二十四拾遺

李二十助教寶七校書兼投弔席八舍人 二妙馳軒陛三英詠袴

李十一崔二十二章大各典方州

李多嘲螻蛄實數入聲集蜘蛛

雅善歌詩固多詠物之作實

數子皆奇貨唯予獨朽株邯鄲笑

七頻改官銜屢有蜘蛛之喜

匍匐燕崩受揶揄懶學三閭憤甘齊百里愚耽眠稀醒

素憑醉少嗟吁學問徒為爾書題盡已乎別猶多夢寐

情尚感凋枯近喜司戎健尋傷掌誥徂

今日得樂天書

士元

名位屈伯道子孫無舊好飛瓊翰新詩灌玉壺幾催閒

處泣終作苦中娛廉藺聲相讓燕秦勢豈俱此篇應絕

倒休漫將髭鬚

樂天戲題篇末云此篇擬打

和樂天送客游嶺南二十韻

次用本韻

我自離鄉久君那度嶺頻一杯魂慘澹萬里路艱辛江

館連沙市瀧船泊水濱騎田迴北顧桐柱指南隣大壑

浮三島周天過五均波心湧樓閣規外布星辰

交廣間南極浸高北

極浸低圓規度外星辰至衆大

佛佛穿筒格猩猩置屐馴

郭璞云鸕

谷間有之南人俗法常用竹筒穿臂以受之佛佛執臂而笑笑則唇蔽兩目人因

自筒中出手以釘釘之于樹猩猩嗜酒好展南人常以美酒置其所且排十數

嚴程程見之驟相謂曰吾幾就擒矣然而漸飲至醉醉則穿破履而行既不

能去相與泣而見獲故吳都賦曰猩猩啼而就擒鸕鸕笑而被格蓋為此 貢

兼蛟女絹俗重語兒巾

南方去京華絕遠冠冕不到唯海路稍

船主

腰藏寶

南方呼波斯為船主胡人

黃家砦

音柴去聲南夷之區落

起塵歌鐘

排象背炊爨上魚身

夷民大陳設則巨象背上作樂大魚出浮身若

白雷山接旗紅賊艦新島夷徐市種廟覲趙佗神鳶跼

方知瘴蛇蘇不待春曙潮雲斬斬夜海火燐燐

海水夜擊之則盡如

火蓋陰火潛然之謂也冠冕中華客梯航異域臣果然猿皮勝錦吉
了名鳥舌如人風點秋茅葉煙埋曉月輪定應元髮變焉
用翠毛珍句漏沙須買貪泉貨莫親能傳稚川術何患
隱之貧

會真詩三十韻

微月透簾櫳螢光度碧空遙天初縹緲低樹漸葱蘢
龍吹過庭竹鸞歌拂井桐羅綃垂薄霧環珮響輕風絳節
隨金母雲心捧玉童更深人悄悄晨會雨濛濛珠瑩光
文履花明隱繡籠寶釵行彩鳳羅帔掩丹虹言自瑤華
浦將朝碧帝宮因游李城北偶向宋家東戲調初微拒
柔情已暗通低鬟蟬影動迴步玉塵蒙轉面流花雪登

床抱綺叢鴛鴦交頸舞翡翠合歡籠眉黛羞偏聚朱唇
暖更融氣清蘭蕊馥膚潤玉肌豐無力慵移腕多嬌夢
歛躬汗光珠點點髮亂綠葱葱方喜千年會俄聞五夜
窮畱連時有限繾綣意難終慢臉含愁態芳詞誓素衷
贈環明運合畱結表心同啼粉留清鏡殘燈遶暗蟲華
光猶冉冉旭日漸瞳瞳警乘還歸洛吹簫亦上嵩衣香
猶染麝枕膩尚殘紅幕幕臨塘草飄飄思渚蓬素琴鳴
怨鶴清漢望歸鴻海濶誠難度天高不易冲行雲無處
所蕭史在樓中

清都春霽寄胡三吳十一

藥珠宮殿經微雨草樹無塵耀眼光白日當空天氣暖

好風飄樹柳陰涼蜂憐宿露攢芳久燕得新泥拂戶忙
時節催年春不住武陵花謝憶諸郎

送友封二首

黔府寶華
字友封

桃葉成陰燕引雛南風吹浪颭檣烏瘴雲拂地黃梅雨
明月滿帆青草湖迢遞旅魂歸去遠顛狂酒興病來孤
知君兄弟憐詩句遍爲姑將惱大巫
惠和坊裏當時別豈料江陵送上船鵬翼張風期萬里
馬頭無角已三年甘將泥尾隨龜後尚有雲心在鶴前
若見中丞忽相問爲言腰折氣衝天

放言

近來逢酒便高歌醉舞詩狂漸欲魔五斗解醒猶恨少
十分飛盞未嫌多眼前讐敵都休問身外功名一任他
死是老閒生也得擬將何事奈吾何
莫將心事厭長沙雲到何方不是家酒熟舖糟學漁父
飯來開口似神鴟竹枝待鳳千莖直桺樹迎風一向斜
總被天公霑雨露等頭成長盡生涯
霆轟電烜數聲頻不奈狂夫不藉身縱使被雷燒作燼
寧殊埋骨颺爲塵得成蝴蝶尋花樹倘化江魚掉錦鱗
必若乖龍在諸處何須驚動自來人
安得心源處處安何勞終日望林巒玉英惟向火中冷
蓮葉元來水上乾甯戚飯牛圖底事陸通歌鳳也無端
孫登不語啓期樂各自當情各自歡

三十年來世上行也曾狂走趨浮名兩回左降須知命
數度登朝何處榮乞我杯中松葉滿遮渠肘上柳枝生
他時定葬燒缸地賣與人家得酒盛

送友封

輕風畧畧柳欣欣晴色空濛遠似塵斗柄未回猶帶閨
江痕潛上已生春蘭成宅裏尋枯樹宋玉亭前別故人
心斷洛陽三兩處窈娘堤抱古天津

早春尋李校書

欸欸春風澹澹雲柳枝低作翠櫳裙梅含雞舌兼紅氣
江弄瓊花散綠紋帶霧山鶯啼尚小穿沙蘆筍葉纔分
今朝何事偏相覓撩亂芳情最是君

贈嚴童子

嚴司空孫字照即十歲能賦詩
往往有奇句書題有成人風

衛瓘諸孫衛玠珍可憐雛鳳好青春解拈玉葉排新句
認得金環識舊身十歲佩觿嬌穉子八行飛札老成人
楊公莫訝清無業家有驪珠不復貧

酬樂天得微之詩知通州事因成四首

茅簷屋舍竹籬州虎怕偏蹄虵兩頭通州元和二年偏蹄虎害
人比之白額兩頭虵處處
皆有之也暗蠱有時迷酒影浮塵向日似波流沙含水弩多
傷骨田仰畚刀少用牛知得共君相見否近來魂夢轉
悠悠

平地才應一頃餘閣欄都大似巢居巴人多在山坡架木
為居自號閣欄頭也
衙官吏聲疑鳥下峽舟船腹似魚市井無錢論尺丈田

疇付火罷耘鋤此中愁殺須甘分惟惜平生舊著書本

云努力安心過三考已曾愁殺李尚書又余病甚將平生所為文自題云異日送白二十二郎也

哭鳥晝飛人見少
佺魂夜嘯虎行多
滿身沙虱無防處
獨脚山魃不奈何
甘受鬼神侵骨髓
常憂岐路起風波
南歌未有東西分
敢唱滄浪一字歌

本句云時時三唱濯纓歌

荒蕪滿院不能鋤
甑有塵埃圃乏蔬
定覺身將囚一種
未知生共死何如
如饑搖困尾喪家狗
熱暴枯鱗失水魚
苦境萬般君莫問
自憐方寸本來虛

以州宅夸於樂天

州城迴繞拂雲堆
鏡水稽山滿眼來
四面常時對屏障
一家終日在樓臺
星河似向簷前落
鼓角驚從地底迴

我是玉皇香案吏
謫居猶得住蓬萊

重夸州宅旦暮景色兼酬前篇末句

仙都難畫亦難書
暫合登臨不合居
繞郭烟嵐新雨後
滿山樓閣上燈初
人聲曉動千門闢
湖色宵涵萬象虛
為問西州西剎岸
濤頭衝突近何如

和樂天早春見寄

雨香雲淡覺微和
誰送春聲入棹歌
萱近北堂穿土早
柳偏東面受風多
湖添水劑消殘雪
江送潮頭湧漫波
同受新年不同賞
無由縮地欲如何

初除浙東妻有阻色因以四韻曉之

嫁時五月歸巴地
今日雙旌上越州
興慶首行千命婦

予在中書日妻以郡君朝太后於興慶宮猥為班首會稽旁帶六諸侯海樓翡翠閒相逐
鏡水鴛鴦暖共浮我有主恩羞未報君於此外更何求

鶯鶯詩

殷紅淺碧舊衣裳取次梳頭闇澹妝夜合帶烟籠曉月
牡丹經雨泣殘陽低迷隱笑原非笑彷彿聞香不是香
頻動橫波嗔阿母等閒教見小兒郎

友封體

雨送浮涼夏簟清小樓腰褥怕單輕微風暗度香囊轉
朧月斜穿隔子明樺燭焰高黃耳吠柳堤風靜紫騮聲
頻頻聞動中門鎖桃葉知嗔未敢迎

追昔遊

謝傅堂前音樂和狗兒吹笛膽娘歌花園欲盛千場飲
水閣初成百度過醉摘櫻桃投小玉嬾梳叢髻舞曹婆
再來門館惟相弔風落秋池紅葉多

遣悲懷

謝公最小偏憐女自嫁黔婁百事乖顧我無衣搜草盡
篋泥他沽酒拔金釵野蔬充膳甘長藿落葉添薪仰古
槐今日俸錢過十萬與君營奠復營齋

簪日戲言身後意今朝皆到眼前來衣裳已施行看盡
針線猶存未忍開尚想舊情憐婢僕也曾因夢送錢財
誠知此恨人人有貧賤夫妻百事哀

閒坐悲君亦自悲百年都是幾多時鄧攸無子尋知命

潘岳悼亡猶費詞同穴宵冥何所望他生緣會更難期
唯將終夜長開眼報答平生未展眉

菊花

秋叢遶舍似陶家遍插籬邊日漸斜不是花中偏愛菊
此花開盡更無花

晚春

晝靜簷疎燕語頻雙雙鬪雀動階塵柴扉日暮隨風掩
落盡閒花不見人

梁州夢

是夜宿漢川驛夢與杓直樂天同遊曲江兼入慈恩寺諸院倏然而寤則遞乘及階郵吏已傳呼報曉矣

夢君同遠曲江頭也向慈恩院院遊亭吏呼人排去馬
忽驚身在古梁州

紀事云樂天別後旬日間遊曲江及慈恩寺飲酣憶植作詩有計程今日到梁州之句後得植書果以是日

至褒寄此詩千里神交若合符契焉有感夢記述

仁風李著作作園醉後寄李十

隴明春月照花枝花下音聲是管兒却笑西京李負外
五更騎馬趁朝時

書樂天紙

金鸞殿裏書殘紙乞與荊州元判司不忍拈將等閒用
半封京信半題詩

桐孫詩并序

元和五年予貶掾江陵三月二十四日宿曾峰館山月曉時見桐花滿地因有八韻寄白翰林詩當時草蹙未暇紀題及今六年詔許西歸去

時桐樹上孫枝已拱矣予亦白鬚兩莖而蒼然
斑髻感念前事因題舊詩仍賦桐孫詩一絕又
不知何年復來商山道中元和十年正月題

去日桐花半桐葉別來桐樹老桐孫城中過盡無窮事
白髮滿頭歸故園

西歸絕句

雙埃頻頻減去程漸知身得近京城春來愛有歸鄉夢
一半猶疑夢裏行

五年江上損容顏今日春風到武關兩紙京書臨水讀

得復言小桃花樹滿商山

同歸諫院韋丞相韋丞相貫之共貶河南亞大夫裴中丞度今日還

鄉獨憔悴幾人憐見白髭鬚

只去長安六日期多應及得杏花時春明門外誰相待
不夢閒人夢酒卮

閒遊寺觀從容到遍問親知次第尋腸斷裴家光德宅
無人掃地戟門深

寒牕風雪擁淡爐彼此相傷指白鬚一夜思量十年事
幾人強健幾人無宿寶十二藍田宅

雲覆藍橋雪滿溪須臾便與碧峰齊風迴麪市連天合
凍壓花枝着水低

見樂天詩

通州到日日平西江館無人虎印泥忽向破簷殘漏處

見君詩在柱心題

聞樂天授江州司馬

殘燈無焰影幢幢此夕聞君謫九江垂死病中驚坐起

暗風吹雨入寒窓白樂天云此詩他人尚不可聞况僕哉

得樂天書

遠信入門先有淚妻驚女哭問何如尋常不省曾如此

應是江州司馬書

重贈商玲瓏兼寄樂天

休遣玲瓏唱我詩我詩多是別君詞明朝又向江頭別

月落潮平是去時勝說云商玲瓏為杭州歌者樂天作郡日賦歌與之元微之在越厚幣邀至月餘使盡歌所唱之曲作詩送行

兼寄樂天

寄浙西李大夫

柳眼梅心漸欲春白頭西望憶何人金陵太守曾相伴

共蹋銀臺一路塵

藥珠深處少人知網索西臨太液池浴殿曉聞天語後

步廊騎馬笑相隨網索在太液池上學士候對歌于此

禁林同直話交情無夜無曾不到明最憶西樓人靜後

玉宸鐘磬兩三聲玉宸觀在紫宸殿後也

為樂天自勘詩集因思頃年城南醉歸馬上遞唱

艷曲十餘里不絕長慶初俱以制誥侍宿南郊

齋宮夜後偶吟數十篇兩掖諸公泊翰林學士

三十餘人驚起就聽逮至卒吏莫不眾觀群公

直至侍從行禮之時不復聚寐予與樂天吟哦
竟亦不絕因書於樂天卷後越中冬夜風雨不
覺將曉諸門互啓關鎖卽事成篇

春野醉吟十里程齋宮潛詠萬人驚今宵不寐到明讀
風雨曉聞開鎖聲

和嚴給事聞唐昌觀玉蕊花下有遊仙

弄玉潛過玉樹時不教青鳥出花枝的應未有諸人覺
只是嚴郎卜得知

六年春遣懷

傷禽我是籠中鶴沉劍君為泉下龍重纒猶存孤枕在
春衫無復舊裁縫

檢得舊書三四紙高低濶狹粗成行自言併食尋常事
唯念山深驛路長

公無渡河樂府題音響絕已隔前春復去秋今日閒窗拂

塵土殘絃猶迸細箜篌

婢僕曬君餘服用嬌癡稚女遶床行玉梳鈿朶香膠解
盡日風吹璫瑁箏

劉阮妻

芙蓉脂肉綠雲鬟畫樓臺青黛山千樹桃花萬年藥
不知何事憶人間

壓墻花

野性大都迷里巷愛將高樹記人家春來偏認平陽宅

為見墻頭拂面花

憶事

夜淡閒到戟門邊却遶行廊又獨眠明月滿庭池水涿
桐花垂在繡簾前

春曉

半欲天明半未明醉聞花氣睡聞鶯佳兒撼起鐘聲動
二十年前曉寺情

離思詩

自愛殘妝曉鏡中環釵慢篸綠絲叢須臾日射燕脂頰
一朵紅蘇旋玉融

山泉散漫遶堦流萬樹桃花映小樓閒讀道書慵未起

水晶簾下看梳頭

紅羅着壓逐時新杏子花紗嫩翅塵第一莫嫌才地弱
些些紕縵最宜人

曾經滄海難為水除却巫山不是雲取次花叢懶迴顧
半緣修道半緣君

尋常百種花齊發偏摘梨花與白人今日江頭兩三樹
可憐和葉度殘春

此五詩本事傳以
為悼韋夫人作

雜憶五首

今年寒食月無光夜色纔侵已上牀憶得雙文通內裏
玉櫳深處暗聞香

花籠微月竹籠烟百丈絲繩拂地懸憶得雙文人靜後

潛教桃葉送鞦韆

寒輕夜淺遶迴廊不辨花叢暗辨香憶得雙文隴月下

小樓前後捉迷藏

山榴似火葉相兼亞拂磚堦半拂簷憶得雙文獨披掩

滿頭花草倚新簾

春冰消盡碧波湖漾影殘霞似有無憶得雙文衫子薄

鈿頭雲映褪紅蘇

御定全唐詩錄卷第六十七



